

Uunga siunnersuut: Illulioortiternernut aningaasalersuineq pillugu Inatsisartut inatsisaata allanngortinneqarnera pillugu Inatsisartut inatsisaat

(Radoneqassutsimik annikillisaanissamut taarsigassarsisitsineq tapiissuteqarnerlu)

(Ineqarnermut Attaveqaasersuutinullu Naalakkersuisoq)

Akissuteqaat

(Ineqarnermut Attaveqaasersuutinullu Naalakkersuisoq)

Pingajussaaneerreqarnera

Inatsisartut siullermeerinninnermi aappassaaneerinninnermilu siunnersuummik pitsaasumik sukumiisumillu suliarinnissimanerannik Naalakkersuisut sinnerlugit qutsavigerusuppakka.

Naalakkersuisut siunnersuut tapersorsorluarneqartoq nuannaarutigisaminnik paasivaat.

Soraarnerussutisiallit innuttaasullu akissakilliortut, namminneq inigisaminni pigisaminni najugallit inigisaminnik radonimit isumannaarinissaannut taarsigassarsinissamut tapiiffigineqarnissamullunniit periarfissaqalernissaat siunnersuummi siunertaavoq.

Taamaattumik tamanna maanna ataatsimut piviusunngortissinnaagatsigu innuttaasullu peqqinnartunik najugaqarnissaannik ikiorsinnaagatsigit nuannaarutiginarpoq.

Naalakkersuisut taamatut naatsumik oqaaseqarlutik siunnersuutip akuersissutigineqarnissaa inassutigaat.

